

Siunnersuummut nassuaatit

Nassuaatit nalinginnaasut

1. Allaqqasiut

1.1 Siunnersuummut tunngaviusut

Kalaallit Nunaanni Kommunit Kattuffiat, KANUKOKA, 2018-ip ingerlanerani atorunnaarsinneqartussaavoq. Kattuffiup kommunit soqtigisaat isumagisarisimavai aammalu Inatsisartut inatsisaanni arlalinni oqartussani sullissivinnilu, kommuninut ataasiakkaanut imaluunniit innuttaasunut pingaaruteqarsinnaasunik Kalaallit Nunaat tamakkerlugu suliassaqarfinni piginnaatitaaffinnik atuutsitsiviusinnaasuni, ilaasortassanik toqqaanissamut imaluunniit inassuteqarnissamut pisinnaatitaaffeqartinneqarluni.

Kattuffiup atorunnaarsinneqareernerata kingorna aamma oqartussani taakkunani kommunit sunniuteqarnissaasa qulakteerneqarnissaa pingaaruteqartutut isigineqarpoq, taamaattumillu siunnersuutigineqarpoq toqqaasarnermut maleruagassat allanngortinneqassasut, taamaalilluni oqartussani taamaattuni ilaasortassanik toqqaanissamut imaluunniit inassuteqarnissamut piginnaatitaaneq kommunitat ataatsimoorullugu ingerlanneqartalissalluni. Taamaaliornikkut aamma siunissami kommunit akornanni suliaqarnikkut suleqatigiinnerup ingerlanneqarnissaanut Inatsisartut inatsisaat iluaqutaassaaq, qulequttani taakkunani kommuninut tamaginnut pingaaruteqaannartussani misilitakkat ilisimasallu najukkani katersorneqartartut iluaqutaanissaat periarfissaqartinneqassalluni.

Avatangiisinut suliassaqarfimmi pineqarpoq naammagittaalliortarfik arlaannaannulluunniit attuumassuteqanngitsoq, tassalu Avatangiisit innarlitsaaliorneqarnissaat pillugu Naammagittaalliuteqartarfik, avatangiisit innarlitsaaliorneqarnissaat pillugu Inatsisartut inatsisaanni § 60 naapertorlugu pilersinneqartoq. Avatangiisit innarlitsaaliorneqarnissaat pillugu Naammagittaalliuteqartarfik Naalakkersuisut Inatsisartut inatsisaat naapertorlugu, aammalu nalunaarutit Inatsisartut inatsisaat tunngavigalugu suliarineqartut naapertorlugit aalajangiinerinut maalaarutinik suliaqarnissamut piginnaatinneqarpoq. Maalaaruteqartarfik maalaaruteqartarfimmik, avatangiisinik innarlitsaaliuineq pillugu Inatsisartut peqqussutaatigut nr. 12-ikkut, 22. December 2018-imeersukkut pilersinneqartumik, aammalu ukiut ingerlanerini katitigaanermigut allanguuteqartinneqarsimanngitsumik ingerlatitseqqinneruvoq. Ataatsimiitaliaq katitigaavvoq, sulianut ilisimasqarnissaq qulakteerneqarluni aammalu isummersortarnernut Inatsisartuni tusarsaanerusunut naapertuuttimik, peqatigisaanillu avatangiisinut suliassaqarfimmut kommunit soqtigisaasa ataatsimiitaliami oqaaseqarfingineqartarnissaannut sinniisoqartitsisoqarluni.

2. Siunnersummi pingaernerutitat

Kommunit Avatangiisit innarlitsaaliorneqarnissaat pillugu Naammagittaalliuuteqartarfimmuit sunniuteqarsinnaanissaasa ingerlaannarnissaa pingaartinneqarpoq, Naammagittaalliuuteqartarfimmui aalajangiinerit amerlanertigut kommuninut, taakkunanilu innuttaasunut pingaaruteqartarmata. Kalaallit Nunaanni Kommunit Kattuffiat atorunnaarsinneqartussaammat, kommunit ataatsimoorlutik aalajangiinerisigut ilaasortassaq ataaseq taassumalu sinniisissaa toqqartariaqarpaat. Taamatut suleriaaseqarnikkut kommunit ataasiakkaat ilaasortassamik innersuussuteqartarlutik, aammalu Naalakkersuisut kommuninit innersuussutigineqartut akornanni toqqaasarlutik aaqqissuussinermik nutaamik pilersitsisoqarnerannut naleqqiullugu, aalajangiinerit Naammagittaalliuuteqartarfimmui misilinneqartillugit Naalakkersuisunit isumalluuteqartarneq annikinnerulissaq.

Taamaattumik siunnersuutigineqarpoq Naammagittaalliuuteqartarfiup katitigaanerani toqqaasarnermi kommunit sunniuteqarnissaat attatiinnarneqassasoq ingerlatiinnarneqassasorlu, taamaalilluni innersuussisinnaatitaaneq Naalakkersuisuniilissanani imaluunniit kommunini ataasiakkaaniilissanani, kisianni aalajangiinermi Naammagittaalliuuteqartarfiup aalajangiiffigisassaanni kommunini periarfissaqarfiusut qulakteeriffiginissaat siunertaralugu, inuit kikkut kommunit inassutigineqartussatut kissaatigineraat pillugu kommunit isumaqatigiissutiginiartassagaat naatsorsuutigineqarluni. Inassuteqaatissaq kommunit akornanni isumaqatigiissutigineqassasoq tamanna isumaqanngilaq. Kommunit ataatsimoorlutik aalajangiinerat, amerlanerussuteqartut akuersinerisigut aalajangiunneqartassaaq.

Avatangiisit innarlitsaaliorneqarnissaat pillugu Inatsisartut inatsisaanni aalajangerneqarpoq Avatangiisit innarlitsaaliorneqarnissaat pillugu Naammagittaalliuuteqartarfik Inatsisartunut qinersereernerup kingorna nutaamik inuttalerneqartassasoq, takuuk Inatsisartut inatsisaanni § 61, imm. 3. Ilaasortaq KANUKOKA-mit toqqagaareersimasoq, imaluunniit siunissami kommuninit toqqarneqartussaq, taamaalilluni Inatsisartunut nutaamik qinersereernerup kingorna piginnaatinneqarnini upternarsartissavaa. Kisianni ataatsimoorluni aalajangiinerup kommuninit aalajangiunneqarnissaata tungaanut, maannamut ilaasortaasoq imaluunniit sinniisussaasoq Naammagittaalliuuteqartarfimmui ilaasortatut ingerlaannassaaq.

Ukiut sisamat piffissarititaasut avataanni Inatsisartut qinersinissamik nutaamik nalunaaruteqartoqarneratigut atorunnaarsinneqarsinnaammata, Inatsisartut inatsisaanni nr. 26-mi, 18. November 2010-meersumi § 2-mi allassimavoq, Maalaaruteqartarfimmui ilaasortat piffissaq atuuffissaat allanngorarsinnaasoq.

Ilaasortaq Kalaallit Nunaanni Kommunit Kattuffiannit innersuunneqartoq Maalaaruteqartarfimmui ilaasortat allat marluk qinigaaffiisa iluanni qinigaaffeqartussaavoq, piffissami qinigaaffimmui communalbestyrelsimit qinersisoqarsimanera apeqquataatinnagu.

Inatsisissatut siunnersuut inatsimmut atuuttumut sanilliullugu	
<i>Oqaasertaliinerit atuuttut</i>	<i>Inatsisissatut siunnersuut</i>
	<p style="text-align: center;">§ 1</p> <p>Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi, Inatsisartut inatsisaanni nr. 1, 29. maj 2012-imeersumi allanngortinneqartumi, makkua allanngortinneqarput:</p>
§ 61. Avatangiisit Innarlitsaaliorneqarnissaat pillugit Naammagittaalliuuteqartarfik pingasunik ilaasortaqarpoq. Inatsisartut inassuteqareernerisigut siulittaasussamik aamma ilaasortanik marlunnik, taakkunanna aappaa Kalaallit Nunaanni Kommuneqarfiiit Kattuffiannit inassutigineqartumik, Naalakkersuisut toqqaassapput. Ilaasortanut tamanut sinniisussanik toqqaasoqassaaq.	<p>1. § 61, stk. 1 imatut oqaasertalerneqarpoq: "Avatangiisit Innarlitsaaliorneqarnissaat pillugit Naammagittaalliuuteqartarfik pingasunik ilaasortaqarpoq. Inatsisartut inassuteqareernerisigut siulittaasussamik aamma ilaasortanik marlunnik, taakkunanna aappaa Kalaallit Nunaanni kommunit ataatsimoorlutik inassuteqarnerisigut, Naalakkersuisut toqqaassapput. Ilaasortanut tamanut ilaasortanik toqqaasarnertut periaaseqarluni sinniisussanik toqqaasoqassaaq."</p>
	<p style="text-align: center;">§ 2</p> <p>Inatsisartuni inatsit ulloq 1. januar 2019 atuutilerpoq.</p> <p><i>Imm. 2. Inuit Avatangiisit Innarlitsaaliorneqarnissaat pillugit Naammagittaalliuuteqartarfimmi ilaasortassatut imaluunniit sinniisussatut KANUKOKA-mit toqqagaasut, Inatsisartut inatsisaanni maleruagassat nalinginnaasut malillugit ilaasortaajunnaarnissamik tungaanut atuuffinni taakkunani ingerlaannassapput.</i></p>

3. Pisortanut aningaasaqarnikkut allaffissornikkullu sunniutaasussat

Siunnersuut pisortanut aningaasaqarnikkut imaluunniit allaffissornikkut sunniuteqassanngilaq, kisianni Kalaallit Nunaanni Kommunit Kattuffiat atorunnaarsinneqarluartoq, kommunit sunniuteqarnerisa attatiinnarneqarnissaa ingerlateqqinnejarnissalaq qulakkeerniarneqarluni.

4. Inuussutissarsiortunut aningaasaqarnikkut allaffissornikkullu sunniutaasussat
Siunnersuut inuussutissarsiortunut tunngasuni allanngortitsinernik malitseqassangilaq, taamaattumillu inuussutissarsiortunut aningaasaqarnikkut imaluunniit allaffissornikkut sunniuteqassanani.

5. Avatangiisinut, pinngortitamut aamma inuit peqqissusaannut sunniutaasussat
Siunnersummi maannamut avatangiisinik, pinngortitamik aamma innuttaasut peqqissusaannik mianerinninnerup isumagineqarnerata ingerlatiinnarnissaa qulakkeerneqassaaq.

6. Innuttaasunut sunniutaasussat

Suliassaqarfiiit avatangiisinik innarlitsaaliuineq pillugu Inatsisartut inatsisaanni pineqartut iluanni najukkani misilitakkani ilisimasanillu akuutitsinissamut periarfissaqarneq siunnersummi ingerlatiinnarneqassaaq.

7. Sunniutaasussat annertuut allat

Siunnersuut annertuunik allanik sunniuteqassangilaq.

8. Oqartussanut kattuffinnullu il.il. tusarniaaneq

Siunnersuut piffissami xx. xxx 2018 - xx. xxx 2018-imi Naalakkersuisut tusarniaanermut nittartagaanni tamanut ammasumik saqqummiunneqarpoq kiisalu tusarniaaffigineqartunut ukununnga nassiunneqarsimalluni:

Siulittaasup Naalakkersuisoqarfia
Aalisarnermut, Piniarnermut Nunalerinermullu Naalakkersuisoqarfik
Aatsitassaqarnermut, Suliffeqarnermut Nunamullu Namminermut Naalakkersuisoqarfik
Ilinniartitaanermut, Kultureqarnermut Ilageeqarnermullu Naalakkersuisoqarfik
Nunanut Allanut Naalakkersuisoqarfik
Peqqissutsimut Ilisimatusarnermullu Naalakkersuisoqarfik
Isumaginninnermut Inatsisinillu Atuutsitsinermut Naalakkersuisoqarfik
Ineqarnermut Attaveqaqtigiinnermullu Naalakkersuisoqarfik
Inuussutissarsiornermut Nukissiuuteqarnermullu Naalakkersuisoqarfik
Aningaasaqarnermut Naalakkersuisoqarfik
Kalaallit Nunaanni Aalisarnermut Uppernarsaatinik Nakkutilliisoqarfik
Kalaallit Nunaanni Naatsorsueqqissaartarfik
Kommuneqarfik Sermersooq
Kommune Kujalleq
Kommune Qeqortalik
Avannaata Kommunia
Qeqqata Kommunia
Nakorsaaneqarfik

Kalaallit Nunaanni Rigsombudeqarfik
Kalaallit Nunaanni Sulisitsisut
Kalaallit Nunaata Københavnimi Aallartitaqarfia
KNAPK
KANUKOKA
Royal Greenland
Nuna Advokater
Eqqatuussissuserisoqarfik Malling aamma Hansen Damm
Issittumi Sakkutooqarfik
Nunanut Allanut Ministereqarfik
Pinngortitaleriffik
Avatangiisinut Aqutsisoqarfik
Pinngortitamut Aqutsisoqarfik
Illersornissamut Ministereqarfik
Sullivinnik Nakkutilliisut
Polar Seafood
Kalaallit Nunaata Katersugaasivia Allagaateqarfialu
Ikiu
Sakkutuut Illuuteqarnermi Atortoqarnermilu Sullissiviat
Nunalerinermut Siunnersorteqarfik
Kalaallit Nunaanni Takornariaqarnermi Inuussutissarsiornermilu Siunnersuisooqatigiit
Aeco
Nukissiorfitt
ICC Greenland
Kalaallit Nunaata Bruxelles-imí Aallartitaqarfia
Kalaallit Nunaanni Politit
Nusuka
Avataq
Illernit
RAL
DOF
Rambøll
JuKA

8.1 Tusarniaanermi akissuteqaatit

Ukunanngaanniit tusarniaanermi akissuteqaatinik tigusaqartoqarpoq:

Siulittaasup Naalakkersuisoqarfia
Aalisarnermut, Piniarnermut Nunalerinermullu Naalakkersuisoqarfik
Aatsitassaqarnermut, Suliffeqarnermut Nunamullu Namminermut Naalakkersuisoqarfik
Isumaginninnermut Inatsisinillu Atuutsitsinermut Naalakkersuisoqarfik
Inuussutissarsiornermut Nukissiuuteqarnermullu Naalakkersuisoqarfik
Aningaasaqarnermut Naalakkersuisoqarfik

Qeqqata Kommunia
Issittumi Sakkutooqarfik
Nukissiorfiit
Illersornissamut Ministereqarfik
Kalaallit Nunaanni Sulisitsisut
KNAPK
Kalaallit Nunaanni Politiit
Kommune Kujalleq

Tusarniaaffigineqartut uku allapput, siunnersummut oqaaseqaatissaqaratik:

Siulittaasup Naalakkersuisoqarfia
Aalisarnermut, Piniarnermut Nunalerinermullu Naalakkersuisoqarfik
Aatsitassaqarnermut, Suliffeqarnermut Nunamullu Namminermut Naalakkersuisoqarfik
Isumaginninnermut Inatsisinillu Atuutsitsinermut Naalakkersuisoqarfik
Inuussutissarsiornermut Nukissiuuteqarnermullu Naalakkersuisoqarfik
Issittumi Sakkutooqarfik
Nukissiorfiit
Illersornissamut Ministereqarfik
Kalaallit Nunaanni Sulisitsisut
KNAPK
Kalaallit Nunaanni Politiit

Matuma kinguliani tusarniaanermi akissuteqaatit aammalu allannguutissanut siunnersuutit, avammut tusarniaanermi tiguneqartut sammineqarput.

Qeqqata Kommunia

Qeqqata Kommunia tusarniaanermi matuma siuliani taaneqartumi tusarniaanermut najoqqutassat tiguai. KANUKOKA-p atorunnaarsinneqarnerata kingorna kommunit "Avatangiisit Innarlitsaaliorneqarnissaat pillugu Naammagittaalliuuteqartarfimmut" sunniuteqarsinnaanerisa ingerlaannarnissaa qulakkeerniarlugu suliniuteqartoqarnera isumatusaarnertut pisariaqartutullu isumaqarfingineqarpoq. Kommuni allanik oqaaseqaatissaqanngilaq, aammalu tusarniaanermi najoqqutassat nassiunneqartut qujassutigineqarput. Kommunip tusarniaanermi akissutaa siunnersummik allannguinermit kinguneqanngilaq.

Kommune Kujalleq

Kommune Kujallermiit inassutigineqarpoq, kommunit akornanni ilaasortassamik innersuussuteqarnermi isumaqatigiinngitsoorpata, amerlanerussuteqartut taasinerisigut kommunit innersuussuteqarsinnaasut inatsisip oqaasertaani toqqaannartumik

allassimalissasoq. Naalakkersuisoqarfíup naliliinera malillugu tamanna siunnersuummut nassuaatini ersarissumik allassimavoq. Taamaattumik inatsisip oqaasertarpiaani allannguiteqartoqanngilaq.

Kiisalu kommuni inassuteqarpoq, § 2-mi atuutsitsilernissamut aalajangersakkat nutarterneqassasut, Kommune Kujallermiit KANUKOKA apríilimi Inatsisartunut qinersinerup kingorna ilaasortassamik toqqaasoqarsimanersoq ilisimaneqanngimmat. Tassunga tunngatillugu Naalakkersuisoqarfík erseqqissaateqarpoq, KANUKOKA maannarpiaq Naammagittaalliuteqartarfimmut ilaasortassamik innersuussuteqarsimanngimmat. Naalakkersuisoqarfíup tamanna erseqqissarniarlugu nassuaatit oqaasertai iluarsivai. Tamatuma peqatigisaanik Naalakkersuisoqarfímmiit erseqqissaatigineqassaaq, KANUKOKA atorunnaarsinneqaraluarpalluunniit Inatsisartut inatsisaat atuuttoq naapertorlugu KANUKOKA Naammagittaalliuteqartarfimmut ilaasortassamik innersuussisinnaammat, pisinnaatitaaffillu taanna aatsaat KANUKOKA atuukkunnaarpát, imaluunniit kingusinnerpaamik siunnersuutip matuma atuutilernerani atorunnaartussaammat.

Aningaasaqarnermut Naalakkersuisoqarfík

Aningaasaqarnermut Naalakkersuisoqarfíup (AN) avatangiisit innarlitsaaliorneqarnissaat pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuut tusarniaassutigineqartoq tiguua. Siunnersuummi aningaasaqarnermut kingunerisinnaasat ilanngunneqartariaqartut taaneqanngillat. Taakku saniatigut AN allanik oqaaseqaatissaqanngilaq. Nassuaatini nalinginnaasuni imm. 3-mi aamma 4-mi allassimavoq, siunnersuut pisortanut inuussutissarsiutinillu ingerlataqartunut aningaasaqarnikkut allaffissornikkullu kinguneqassanngitsoq. Taamaattumik tusarniaanermi akissuteqaat siunnersuummi allannguinernik kinguneqanngilaq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Maleruagassat malillugit Kalaallit Nunaanni Kommunit Kattuffiat Avatangiisit Innarlitsaaliorneqarnissaat pillugu Naammagittaalliuuteqartarfimmi ilaasortassamik sinniisissamillu innersuussuteqarnissamut pisinnaatitaaffeqarput. Kalaallit Nunaanni Kommunit Kattuffiata atorunnaarsinneqartussangornera peqquaalluni, aammalu kommunit Avatangiisit Innarlitsaaliorneqarnissaat pillugu Naammagittaalliuuteqartarfimmi sunniuteqarsinnaanerisa ingerlaannarnissaa qulakteerniarlugu siunnersuutigineqarpoq, siunissami ilaasortassamik taassumalu sinniisissaanik kommunit ataatsimoorlutik aalajangiinerisigut toqqaasoqartassasoq. Nalinginnaasumik amerlanerussuteqartoqarneratigut toqqaasoqartassaaq.

Inassuteqaatissaq kommuninit ataatsimoorullugu aalajangiunneqartoq atuuttussaassaaq, aamma tamatuma kingorna communalbestyrelsinut nutaamik qinersisoqaraluartoq, tassami ilaasortaq pineqartoq Naammagittaalliuuteqartarfimmi ilaasortat marluk allat assigalugit piffissamut taakkua atuuffissaannut atuuttussanngortussaammat.

Pisoqarsinnaavoq ilaasortaaffimmut maannamut inummit KANUKOKA-mit toqagaasumit inuttaqartumut kina ilaasortassatut toqqarneqassanersoq kommunit ataatsimoorlutik aalajangiisinnaanissaasa angumerineqarsinnaalinnginnerani, Inatsisartut qinigaarlaat Naammagittaalliuuteqartarfimmut siulittaasussatut inassuteqarlutik pisoqarsinnaavoq. Taamatut pisoqarnerani maannamut ilaasortaasoq ingerlaannassaaq, imaluunniit kommunit ataatsimoorlutik aalajangiinissaasa tungaanut maannamut sinniisussaasoq Naammagittaalliuuteqartarfimmi ilaasortatut atuutissalluni.

Naammagittaalliuuteqartarfimmi ilaasortat aamma sinniisussat qineqqinneqarsinnaapput.

§ 2-imut

Imm. 1-imut

Siunnersuutigineqarpoq Inatsisartut inatsisaat ulloq 1. januar 2019 atuutilissasoq.

Imm. 2-mut

Piffissaq atuutilerfissa KANUKOKA-p qaugu atorunnaarsinneqarnissaanut tunngatillugu aalajangiisuunngilaq. Tamanna § 2, imm. 2-imi erseqqissarneqarpoq, tassani siunnersuutigineqarluni inuit KANUKOKA-mit, Avatangiisit innarlitsaaliorneqarnissaat pillugu Naammagittaalliuuteqartarfimmi ilaasortatut imaluunniit sinniisussatut toqqarneqartut, Inatsisartut inatsisaanni maleruagassat malillugit ilaasortaanerup atorunnaarnissaa tikillugu, atuuffinni taakkunani ingerlaannassasut.

2018-imi apriliimi Inatsisartunut qinersinerup pereernerata kingorna, kisiannili siunnersuutip matuma atuutilinnginnerani KANUKOKA Avatangiisit innarlitsaaliorneqarnissaat pillugu Naammagittaalliuuteqartarfimmi ilaasortassamik innersuussuteqarsimappat, KANUKOKA 2018-ip ingerlanerani atorunnaarsinneqareersimassagaluartoq, ilaasortap pineqartup taassuma ilaasortaanini attatiinnassavaa, taamaattumillu Inatsisartunut qinersisoqaqqeriinngippat Kalaallit Nunaanni kommunit ataatsimoorlutik nutaamik innersuussuteqaqqissangillat. Erseqqissaatigineqassaaq, inatsisissatut siunnersuutip matuma suliarineqarnerata nalaani KANUKOKA Naammagittaalliuuteqartarfimmut ilaasortassamik nutaamik imaluunniit sinniisissamik nutaamik innersuussuteqarsimanngimmat.